



Bosnia and Herzegovina
Federation of Bosnia and Herzegovina

CANTON SARAJEVO
Srebrenica Support Office

Broj: 19-11-53236/25
Sarajevo, 12.11.2025. godine

Na osnovu člana 13., a u vezi sa članom 4., 9. i 10. Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima Zaštićene zone UN "Srebrenica" ("Službene novine Kantona Sarajevo", broj 18/22), člana 14. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i i 13/22, 21/24 i 10/25), Odluke Vlade Kantona Sarajevo o usvajanju Plana i programa podrške žrtvama i porodicama žrtava genocida nad Bošnjacima zaštićene zone UN "Srebrenica" za 2025. godinu broj: 02-04-51765-6/25, Ured Vlade Kantona Sarajevo za podršku Srebrenici o b j a v l j u j e

JAVNI POZIV

za podršku aktivnostima održivog povratka na području jedinice lokalne samouprave Srebrenica

I PREDMET JAVNOG POZIVA

- (1) Finansiranje/sufinansiranje aktivnosti održivog povratka na području jedinice lokalne samouprave Srebrenica.
- (2) Javnim pozivom će se podržati najbolje ocijenjeni projekti, programi i aktivnosti koje za cilj imaju, poticanje održivog povratka stanovništva, zdravstva, podrške osobama za posebnim potrebama, aktivnosti vezane za borbu protiv diskriminacije, govora mržnje, građanskog organizovanja i drugim oblastima koje imaju pozitivan utjecaj na kvalitet života i razvoj područja.
- (2) Sredstva za realizaciju finansijskih sredstava po osnovu Javnog poziva osigurana su u Budžetu Kantona Sarajevo za 2025. godinu, na razdjelu - Ureda Vlade Kantona Sarajevo za podršku Srebrenici u ukupnom iznosu od 500.000 KM.
- (3) Od iznosa iz stava (2) ukupno 30% sredstava može biti izdvojeno za finansiranje i sufinansiranje administrativnih troškova.

II PRAVO PRIJAVE

- (1) Pravo prijave na Javni poziv imaju udruženja građana i fondacije koji su registrovani na području jedinice lokalne samouprave Srebrenica i na području Kantona Sarajevo.
- (2) Jedinicom lokalne samouprave Srebrenica, u smislu Zakona, smatra se teritorija današnje opštine Srebrenica u bosanskohercegovačkom entitetu Republika Srpska.
- (3) U slučaju apliciranja sa više programa/aktivnosti/projekata, bit će prihvaćen samo jedan program/aktivnost/projekat po jednom udruženju građana i fondaciji.

III KRITERIJI ZA DODJELU SREDSTAVA

1. OPĆI KRITERIJI

Prijava na javni poziv sadrži sljedeću dokumentaciju:

- a) popunjen obrazac prijave za finansiranje/sufinansiranje projekta/programa/aktivnosti sa popisom priloga dostavljene dokumentacije (potpisan od ovlaštenog lica i ovjeren pečatom aplikanta),
- b) izjava ovlaštenog lica podnosioca prijave (potpisana od ovlaštenog lica, ovjerena pečatom aplikanta i ovjerena kod nadležnog organa),
- c) rješenje o upisu u odgovarajući registar (ovjerena kopija kod nadležnog organa),
- d) izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 564-403 Fax: + 387 (0) 33 564-404

Web: <http://vlada.ks.gov.ba>

E-mail: podrska.srebrenica@vlada.ks.gov.ba

krivičnog djela i/ili privredni prestup (potpisana od ovlaštenog lica, ovjerena pečatom aplikanta i ovjerena kod nadležnog organa),

e) uvjerenje o poreskoj registraciji - identifikacioni broj za pravno lice,

f) potvrda poslovne banke da račun nije blokiran iz kojeg se vidi broj transakcijskog računa (original ili ovjerena kopija, ne starije od tri mjeseca),

g) uvjerenje od porezne uprave o izmirenim poreznim obavezama (original ili ovjerena kopija, ne starije od tri mjeseca),

h) uvjerenje od porezne uprave o izmirenim porezima i doprinosima za zaposlene (original ili ovjerena kopija - ne starije od tri mjeseca),

i) bilans stanja i bilans uspjeha za prethodnu godinu sa vidljivim pečatom Finansijsko-informatičke agencije, odnosno Agencije za posredničke, informatičke i finansijske usluge, koje su ovlaštene za ovjeru. Za podnosioca prijave koji je registrovan u prethodnoj godini - potvrda da nije bilo promjena na računu sa pečatom Finansijsko-informatičke agencije, odnosno Agencije za posredničke, informatičke i finansijske usluge (ovjerena od strane nadležnog organa),

j) izjava da je podnosilac prijave uredno ispunio sve obaveze iz prethodno zaključenih ugovora o finansiranju i sufinansiranju iz budžetskih sredstava (potpisana od ovlaštenog lica, ovjerena pečatom aplikanta i ovjerena kod nadležnog organa),

2. POSEBNI KRITERIJI

Uz prijavu na javni poziv dostavlja se opis projekta/programa/aktivnosti (maksimalno dvije stranice) koji obavezno sadrži:

- naziv projekta/programa/aktivnosti;
- opis potreba i ciljevi;
- plan realizacije projekta – sa naročitim osvrtom na kvalitet planiranih aktivnosti i metode provođenja;
- lokacija, trajanje i osoblje;
- kvalitetno razrađen i specificiran budžet sa informacijama o ukupnom iznosu finansijskih sredstava, iznosu koji se traži javnim pozivom, iznosu koje će podnosilac prijave sam uložiti (sufinansiranje), direktne troškove razrađene po izvorima finansiranja, te indirektno troškove;
- kratak opis dosadašnjeg iskustva podnosioca u provođenju istog ili sličnih aktivnosti/programa/projekata i
- očekivani utjecaj i posljedice projekta/programa/aktivnosti, odnosno koje se promjene očekuju od njihovog provođenja.

Ukoliko u realizaciji projekta/programa/aktivnosti učestvuju partneri, navesti njihovo učešće u realizaciji, te njihove kapacitete i dosadašnje iskustvo.

IV ROK I NAČIN DOSTAVLJANJA PRIJAVE NA JAVNI POZIV

1. Krajnji rok za podnošenje prijave je 15 (petnaest) dana od dana objavljivanja Javnog poziva u dnevnim novinama "Oslobođenje" i na web stranici Vlade Kantona Sarajevo: <https://vlada.ks.gov.ba/aktuelnosti/konkursi>

2. Uputstvo za podnosioc prijave na ovaj javni poziv bit će dostupan na web stranici Vlade Kantona Sarajevo: <https://vlada.ks.gov.ba/aktuelnosti/konkursi>.

3. Prijava sa odgovarajućom dokumentacijom podnosi se u zatvorenoj koverti na čijoj poledini obavezno navesti ime i prezime podnosioca prijave, adresu, kontakt telefon, a može se predati lično na protokol Kantona Sarajevo ili poslati preporučeno poštom na adresu:

KANTON SARAJEVO
URED VLADE KANTONA SARAJEVO ZA PODRŠKU SREBRENICI
Ulica Reisa Džemaludina Čauševića broj 1

71 000 Sarajevo

J A V N I P O Z I V

sa naznakom:

"Prijava na Javni poziv za podršku aktivnostima održivog povratka na području jedinice lokalne samouprave Srebrenica (ne otvaraj - otvara Komisija)"



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 564-403 Fax: + 387 (0) 33 564-404

Web: <http://vlada.ks.gov.ba>

E-mail: podrska.srebrenica@vlada.ks.gov.ba

V OPŠTE ODREDBE

1. Premijer Kantona Sarajevo imenovat će komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo predsjednik, članovi komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, šef Ureda će, ukoliko smatra osnovanim i uputnim, i iz drugih razloga koji za posljedicu mogu imati pristrasno odlučivanje i razmatranje pristiglih prijava, predložiti premijeru isključenje predsjednika, člana, odnosno sekretara komisije za kojeg utvrdi da postoji sukob interesa.
2. Komisija od 3 člana će izvršiti pregled pristiglih prijava i utvrditi ispunjavanje formalnih uslova (blagovremenost, urednost i potpunost). Neblagovremene, nepotpune i neuredne prijave neće biti predmet razmatranja.
3. Komisija će blagovremene, uredne i potpune prijave ocijeniti bodovima od 1-5. Minimalni broj bodova je 3, a maksimalni 15. Komisija potom daje prijedlog odluke o dodjeli sredstava na osnovu zbirne liste ocijenjenih prijava.
4. Ured Vlade Kantona Sarajevo za podršku Srebrenici će obavijestiti pismeno podnosiocima čije prijave nisu prihvaćene u roku od 8 (osam) radnih dana od dana objavljivanja rezultata. Podnosioci prijave imaju pravo na izjavljivanje prigovora posebnoj komisiji za žalbe koju imenuje Vlada, u roku od 7 (sedam) dana od dana dostavljanja pismene obavijesti, nakon čega se donosi konačna odluka. Prigovor se ne može izjaviti ukoliko dostavljena dokumentacija na javni poziv nije potpuna.
5. Sa pravnim licima koja dobiju sredstva po ovom javnom pozivu zaključit će se pojedinačni ugovori, kojima će se definisati međusobna prava i obaveze ugovornih strana, a naročito način i dinamika korištenja dodijeljenih sredstava, nadzor nad utroškom, neprihvatljivi troškovi i izvještavanje.

Za sve dodatne informacije možete se obratiti Uredu Vlade Kantona Sarajevo za podršku Srebrenici na tel. 033/564 403 ili na tel. 033/562 038 ili na email podrska.srebrenica@vlada.ks.gov.ba.



ŠEF UREDA

Mirza Ibrahimović

